



Belanjawan 2023 : RM700 Bantuan Aidilfitri

Oleh Mohd Nasaruddin Parzi dan Suraya Ali - Februari 24, 2023 @ 6:24pm
bhnews@bh.com.my

KUALA LUMPUR: Kerajaan menyalurkan Bantuan Khas Kewangan Aidilfitri RM700 kepada semua penjawat awam Gred 56 ke bawah, termasuk lantikan kontrak.

Perdana Menteri, Datuk Seri Anwar Ibrahim, berkata RM350 juga akan disalurkan kepada pesara kerajaan dan bayaran akan dibuat pada April 2023.

Sementara itu, susulan kenaikan kadar maksimum gantian cuti rehat (GCR) daripada 160 kepada 180 hari, kerajaan berhasrat untuk meneruskan cadangan menaikkan kebenaran penebusan awal GCR sehingga 50 peratus, iaitu maksimum 90 hari.

Beliau berkata, penjawat awam perlu segera membawa perubahan, menerapkan pembaharuan dengan matlamat akhir menyampaikan perkhidmatan yang terbaik kepada rakyat dan negara.